

藏

要

法  
藏

要

歐陽竟無編

# 藏要 九

上海書店

# 第九册 目錄

大般涅槃經正法分品目

卷三至一〇

壽命品第一之三

金剛身品第二

名字功德品第三

如來性品第四之一

如來性品第四之二

第四之三

第四之五

第四之六

第四之七

虛空藏問經決擇分卷一至四

合部金光明經正宗分品目

卷一至四

序品第一

壽量品第二

三身分別品第三

懺悔品第四

二〇九  
二五七

2192E

業障減品第五

陀羅尼最淨地品第六

讚歎品第七

空品第八

依空滿願品第九

義足經上下卷

三六三

大乘密嚴經品目

四一九

科文 上下卷

密嚴道場品第一

入密嚴微妙身生品第二

胎藏生品第三

自作境界品第四

辯觀行品第五

趣入阿賴耶品第六

我識境界品第七

阿賴耶即密嚴品第八

中阿含經雙品卷四十八至四十九

五七一

清淨毗尼方廣經

六二九

根本說一切有部百一羯磨檢目

六五一

卷一至十

十住毗婆沙論卷一至十五

八四七

論藏

律藏

---

大般涅槃經正法分

---

大般涅槃經正法分品目

涼譯

壽命品第一之三

金剛身品第二

名字功德品第三

如來性品第四之一

第四之二

第四之三

第四之四

宋加

長壽品第四

金剛身品第五

名字功德品第六

四相品第七

晉譯

長壽品第五

金剛身品第六

受持品第七

四法品第八

四依品第九

分別邪正品第十

四諦品第十一

四倒品第十二

四倒品第十

四諦品第十

邪正品第九

四依品第八

如來性品第十二  
如來性品第十三

第四之五

文字品第十三  
文字品第十四

鳥喻品第十四  
鳥喻品第十五

第四之六

月喻品第十五  
月喻品第十六

菩薩品第十六  
問菩薩品第十七

第四之七

大衆所問品第五之一  
大衆所問品第十七  
隨喜品第十八

香華此品止

世親菩薩長壽偈論科涅槃全文立爲七分。除前後三分。中間從三告以下訖大衆問品。名正法實義分。五行十德。名方便修成分。師子吼品。名離逸入證分。迦葉品。名從光善巧分。今卽依之分段。亦除前後。中間作四句讀。讀三告訖大衆問爲法句。讀


五行十德爲法行句。讀師子吼品爲法義句。讀迦葉品爲法用句。法義法用。挾而出之。於初二輯矣。今之所輯。則法句是也。云何法句耶。涅槃正法。明三大事。曰如來常住不變。曰衆生皆有佛性。曰涅槃微妙密經典。經言。若有衆生。於八恆河沙數佛所。發菩提心。然後乃能於如是正法。通解護持。所謂如來常住不變。畢竟安樂。廣說衆生悉有佛性。譬如如來所有法藏是也。夫大涅槃者。法身是也。法身是常。是故說常。常是佛性。以解脫而見。以般若而解脫。是故說佛性。三德伊字。九部不聞。此經乃顯。是故說祕經。是故正法在此三大事也。如是三事。廣開三十二事。迦葉作長壽二十三偈問。世尊循其所問。一一酬答。反覆丁寧。一何詳盡。是乃所以爲法句歟。應以世尊所答。一一繫於偈問。復以偈問。一分繫三事。作如是讀。無不粲然。第一長壽問。常住答。長壽以慈戒爲因。以佛常爲果。第二金剛身問。常住答。法身不壞。非真非俗。第三堅固力問。正法總答。在家出家護持戒禁。護法因緣成等正覺。第四究竟彼岸問。

祕經答。是經入河歸海。八味具足。第五微密問。正法總答。正自不說無常。正他後乃說常。不聽食肉隨問而說。以施肉。戒攝一切因緣而漸次以制。四相是常。餘灰非絕。般若口密也。示現無邊有羅睺羅。離欲常住明滅。法身身密也。九譬解無密藏。三事解大涅槃。無瘡一。性廣二。解脫三。如是略廣百喻。歸一佛性。常樂非受。解脫意密也。第六廣大爲依。凡等羅漢問。正法總答。四人爲世依。知正法。應禮供。乘急而戒自緩。戒真而袈裟猶僞。昔不依無法之人。今乃依人之有法。第七天磨留難。佛磨分別問。正法總答。以邪亂正。形亂聲亂。亂身亂戒。亂德。亂經律。亂罪福。謗佛性。背祕藏。立邪教。云何而不供禮上四人耶。第八真諦問。常住答。昧常爲四。知常爲諦。第九四倒問。常住佛性答。涅槃爲樂。空寂爲常。佛性爲我。法身爲淨。違此都倒。第十善業問。佛性答。一業緣性起。宗仰斯人。因金乍見。還能飲乳。實以藥消。若疑佛性是無者。應知珠陷入體。藥味停山。沙鑠可穿。金剛自住。是則見有多歧者。性實受錮也。二性能

起業。知有佛性。服甘露而長存。卽一我而三歸。離二邊而中道也。第十一見性問。佛性祕經答。十住菩薩。少少眼見。向道凡夫。肉眼聞見。實以信順大涅槃經。能見淨刀。不誣羊角。第十二半滿字義問。佛性答。文章經論以字而淨。須十四音三十三聲由半而成滿。佛性不假字淨。減半而滿成。第十三聖行二鳥問。正法總答。諸法無常。佛性是常。諸經無常。涅槃經常。聞經了性。能利人天。無憂有我。無我有憂。化畢歸真。上知下苦。二鳥不離。其事可喻。第十四日月星問。常住祕經答。月喻則出沒虧盈。大小善惡。長短樂厭。日喻則長短處中。星喻則晝隱夜現。無非妄見。不稱實情。如來亦爾。隨順衆生。種種示現。乃至涅槃。而豈性實。大涅槃經。顯常住理。日出雲消。應勤修學。第十五尙未發心。而名菩薩問。祕經答。經光威力。毛孔夢中。未發菩提。自然令發。以勢必發。是名菩薩。除一闡提。十喻轉徵。畢竟枯斷。第十六無畏無過問。正法總答。唯一闡提。不見佛性。見佛無常。謗方等經。是故可畏。發露懺除。是故無畏。利養盜經。是

故有過。以命護法。是故無過。第十七濁世蓮華問。祕經答。修涅槃經。知性相力。清冷  
入身。鬱蒸不惱。第十八處惱不染療病不汙問。祕經答。所說教十二喻。說教人二喻。  
涅槃經力。無量無邊。除一闡提。無惱不滅。無病不瘳。第十九大海船師問。祕經答。如  
來無上船師。乘大涅槃船。馭大涅槃風。渡諸衆生。出生死海。應於祕經生清淨信。第  
二十捨生如蛻問。常住答。捨身方便。蛇蛻故皮。亦若金師。隨意造器。第二十一觀寶  
如樹問。正法總答。生長涅槃。如菴羅樹。法遣計執。如先陀婆。示現密語。皆非無常。法  
衰僧惡。大涅槃經。如樹皆枯。如乳失味。佛性丈夫。毋爲欲女。寧潛甘露。霑地蚊尿。第  
二十二乘無佛性樂受於未生問。佛性答。見性以前。三乘無別。無有是處。同一佛  
性而無差。涅槃大小而有別。第二十三得不壞衆問。正法總答。以發速心。故與速記。  
以避輕慢。不記聲聞。護法精勤。眷屬不壞。第二十四爲盲作導問。常住祕經答。味寶  
常住。唇口乾焦。習經知常。乃名天眼。第二十五教示多頭問。正法總答。一音說法。異

類等解。各各自言。佛爲彼說。第二十六說法增長有如月初問。正法總答。子生十六月。教語同其音。隨聲復現形。佛爲衆父母。第二十七示現涅槃。示知磨道問。常住答。光照純陀。教其速供。亦化多佛。悉受羣施。是爲證示。六喻說偈。決定長存。能依如來誓願發心。卽阿羅漢。不能觀了三寶常住。是旃陀羅。是爲說示。第二十八法性法樂問。常住答。大衆聞常住法是爲法性。大衆皆生歡喜。是爲法樂。佛告迦葉。又告純陀。如來神力方便若是。第二十九離病問。第三十秘密問。正法總答。七偈方便。皆有因緣。第一偈中。正法護持。拔離大苦。何妨兼敘。如來說法高下隨心。義固不必拘牽。文亦奚容殫版。第三十一畢竟不畢竟決說斷疑問。正法總答。常樂無餘。餘法不定。迦葉疑決。佛讚知微。第三十二得近勝道問。正法總答。聞是經名。自非佛境。難知功德。何況於經行十法行。經言。諸善男子。善女人。多修方便勤學是典。是人不久當得成於阿耨多羅三藐三菩提。



(一)東晉法顯譯佛說大般泥洹經卷二、長壽品第五。宋慧嚴等再治本大般泥洹經卷二、長壽品第四。西藏勝友等譯大般泥洹經卷二、長壽品第一。

### 大般泥洹經卷第三

北涼天竺三藏曇無讖奉詔譯

#### 壽命品第一之三

佛復告諸比丘。汝於戒律有所疑者。今恣汝問。我當解說。令汝心喜。我已修學一切諸法。本性空寂。了了通達。汝等比丘。莫謂如來唯修諸法。本性空寂。復告比丘。汝於戒律有所疑者。今可致問。時諸比丘。即白佛言。世尊。我等無有智慧。能問如來。應正徧知。所以者何。如來境界。不可思議。所有諸定。不可思議。所演教誨。不可思議。是故我等無有智慧。能問如來。世尊。譬如老人。年百二十。身嬰長病。寢臥牀席。不能起居。氣力虛劣。餘命無幾。有一富人。緣事欲行。當至他方。以百斤金寄是老人。而作是言。我今他行。以是寶物。持用相寄。或十年還。二十年還。汝當還我。是時老人。即便受之。而此老人。復無繼嗣。其後不久。病篤命終。所寄之物。悉皆散失。財主行還。債索無所。如是癡人。不知籌量。

可寄不可寄是故行還債索無所以是因緣喪失財寶。世尊我等聲聞亦復如是。雖聞如來殷勤教戒不能受持。令法久住。如彼老人受他寄付。我今無智於諸戒律當何所問。佛告諸比丘。汝等今者若問於我。則能利益一切衆生。是故告汝。聽隨所疑恣意而問。爾時諸比丘白佛言。世尊譬如有人年二十五歲壯端正多有財寶金銀瑠璃父母妻子眷屬宗親悉皆存在。亦有人來寄其寶物語其人言。我有緣事欲至他處。事訖當還汝。當還我。是時壯人守護是物如自己有。其人遇病卽命家屬如是金寶是他所寄。彼若來索悉皆還之。智者如是善知籌量行還索物皆悉得之。無所亡失。世尊亦爾。若以法寶付囑阿難及諸比丘不得久住。何以故。一切聲聞及大迦葉悉當無常。如彼老人受他寄物。是故應以無上佛法付諸菩薩。以諸菩薩善能問答。如是法寶則得久住。無量千世增益熾盛。利安衆生。如彼壯人受他寄物。以是義故。諸大菩薩乃能問耳。我等智慧猶如蚊蟲。何能咨請如來深法。時諸聲聞默然而住。爾時佛讚諸比丘言善哉。

善哉汝等善得無漏之心阿羅漢心。我亦曾念以此二緣應以大乘付諸菩薩。令是妙法久住於世。爾時佛告一切大眾。善男子。善女人。我之壽命不可稱量。樂說之辯亦不可盡。汝等宜可隨意咨問。若戒若歸。第二第三亦復如是。爾時衆中有一菩薩摩訶薩。本是多羅聚落人也。姓大迦葉。婆羅門種。年在幼稚。以佛神力。卽從座起。偏袒右肩。繞百千匝。右膝著地。合掌向佛。而白佛言。世尊。我於今者。欲少咨問。若佛聽者。乃敢發言。佛告迦葉。如來應正徧知。恣汝所問。當爲汝說。斷汝所疑。令汝歡喜。爾時迦葉菩薩摩訶薩。白佛言。世尊。如來哀愍已垂聽許。今當問之。然我所有智慧微少。猶如蚊蟲。如來世尊。道德巍巍。純以旃檀師子難伏。不可壞衆而爲眷屬。如來之身。猶真金剛色。如瓊璃真實難壞。復爲如是大智慧海之所圍繞。是衆會中諸大菩薩摩訶薩等。皆悉成就無量無邊深妙功德。猶如香象。於如是等大衆之前。豈敢發問。今當承佛神通之力。及因大眾善根威德。少發問耳。卽於佛前說偈問曰。

二十二偈三十二義